

Konsellu Imprensa Repúblika Demokrátika Timor-Leste

Regulamentu n.^o _____

Regulamentu kona-ba regra sira ne'ebé bele aplika ba ezame finál Estájiu nian no entidade examinadór sira iha Repúblika Demokrática Timor-Leste

Lei n.^o 5/2014 husi loron 19 fulan Novembru, (husi biban ida ne'e dadaun ba oin hanaran “Lei Komunikasaun Sosiál”), hakotu katak halao knaar jornalista eziji iha nanis ona abilitasaun ho título ida, ne'ebé hanaran “knaar profisionál”. Iha sorin seluk, lei Komunikasaun Sosiál temi nanis ona iha n.^o 6 husi artigu 16 katak estájiu kandidatu ba knaar profisionál nian, remata deit wainhira liu iha ezame ne'ebé halao husi Konsellu Imprensa ida ne'ebé koalia kona-ba matéria étika jornalística nian, direitu no dever sira, funsaun sira no dever sira husi komunikasaun sosiál no kestaun sira seluk ne'ebé relevante ba halao atividade jornalística.

Dekretu-Lei n.^o 25/2015 husi loron 5 fulan Agostu (husi biban ida ne'e dadaun ba oin sei hanaran “Dekretu-Lei husi Konsellu Imprensa”) hakotu, iha alínea c) husi n.^o1 husi artigu 2, katak sai kompeténsia husi Konsellu Imprensa aprovasaun husi regulamentu kona-ba regra sira ne'ebé bele aplika ba ezame wainhira estájiu remata. Nune'e mos Artigu 49 husi Estatutu Konselul Imprensa temi nanis ona katak regra sira ne'ebé aplika ba ezame finál estájiu nian aprova liu husi regulamentu Konsellu Imprensa nian. Tamba ne'e mak, iha loron ohin, deside aprovasaun husi regra sira ne'ebé bele aplika ba ezame finál estájiu nian atu iha asesu ba kartaun profisionál jornalista nian, ne'ebé bele aplika ba ema hotu ne'ebé hakarak atu halao atividade ne'e iha territóriu Repúblika Demokrática Timor-Leste nian.

Artigu 1

Ezame Aptidaun

1 –Konsellu Imprensa mak tenki halao organizasaun husi ezame aptidaun ne’ebé Rekerente sei halo no halo nomeasaun ba entidade kompetente sira atu halao ezame sira aptidaun nian, husi biban ida ne’e dadaun ba oin refere ba hanesan Entidade Organizadora sira.

2 – Ezame aptidaun ba tama ne’e, atu avalia kapasidade profisionál husi kandidatu ho hanoin atu garante halao loloos knaar ho supervizaun husi kolega sira.

3 – Ezame aptidaun intermédiu iha objetivu atu avalia kapasidade profisionál jornalista nian ho hanoin atu garante halao loloos knaar.

3 – Ezame sira aptidaun nian kompostu husi prova eskrita ida, ho durasaun oras rua, iha lian ofisiál Timor-Leste nian, ne’ebé bele kobre matéria sira tuir mai ne’e:

- a) Ética Jornalista nian no jestau editoriál;
- b) Direitu sira no Dever sira Jornalista nian;
- c) Funsau sira no Dever sira husi Komunikasaun Sosiál;
- d) Funsau sira husi Estadu no Setór Komunikasaun Sosiál;
- e) Rejime Jurídiku husi atividade jornalística;
- f) Kompeténsia jenérica atu halao atividade jornalística.

4 – Prova eskrita klasifika tuir tabela ida husi mamuk ba atus ida, no sei korriji husi jornalista examinadór ida.

5 –Rekerente ne’e sei liu wainhira nia hetan klasifikasaun ida liu valór hitunulu.

6 - Klasifikasaun finál husi ezame ne’e fó sai liu husi rezultadu *Liu ka La Liu*.

7 –Rekerente iha direitu atu husu revizaun ba prova, liu husi fundamentasaun eskrita, no nia revizaun tenki hetan resposta no fundamenta husi jornalista examinadór ida ne’ebé la hanesan ho ida halo avaliaun ne’ebé kontesta hela.

- 8 – La liu iha prova eskrita husi ezame aptidaun atu tama, katak sei la fó kartaun profisionál jornalista nian; La liu iha prova eskrita husi ezame aptidaun intermédiu, katak laiha progresu kategoria no
9 – Kandidatu bele halo fali prova dala hira deit laiha limite.

Artigu 2

Asesu ba ezame

1 – Rekerente sira hotu ne'ebé iha rekizitu sira tuir mai ne'e bele tuir ezame:

- a) Ema ida tinan boot liu 18;
- b) Numínimu, kompleta ona ensinu sekundáriu ho susesu, iha instituisaun ne'ebé rekoñese ona husi Ministériu Edukasaun;
- c) Remata ona estájiu tuir haruka iha artigu 15 husi Lei n.º 5/2014 husi Ioron 19 fulan Novembru ho rezultadu pozitivu husi instituisaun ida ne'ebé rejista ona iha Konselhu Imprensa;
- d) La hatudu impedimentu ruma tuir artigu 17 husi Lei n.º 5/2014 husi Ioron 19 fulan Novembru;
- e) Atu halao ezame intermédiau nian, Rekerente tenki mós liu tiha ona ezame ba tama liu tinan tolu.

2 – Ba objetivu inskrisaun no hatudu hahalok halo tuir rekizitu sira ne'ebé fó ona iha número iha Ieten, Rekerente tenki entrega ba Entidade Organizadora ida:

- a) Rekerimentu ne'ebé asina ona husi Rekerente no hato'o ba Prezidente Konsellu Imprensa akompaña ho elementu sira tuir mai ne'e:
 - i) Kópia Dokumentu identifikasiada ne'ebé legaliza ona;
 - ii) Kópia husi sertifikadu abilitasaun kona-ba edukasaun relevante sira (se karik aprezenta sertifikadu lisensiatura nian la presiza hatudu sertifikadu ensinu superiór nian) ne'ebé legaliza ona husi instituisaun ida ne'ebé sertifika ona husi Ministériu Edukasaun;

- iii) Kópia husi Sertifikadu remata estájiu ho rezultadu pozitivu ne'ebé legaliza ona;
- iv) Deklarasaun, ho kompromisu de onra, ho data no asinatura husi Rekerente, katak nia iha situasaun ne'ebé laiha impedimentu tuir termu sira husi artigu 17 husi Lei n.^o 5/2014 husi Ioron 19 fulan Novemburu;
- v) Prova husi selu ona valór taxa atu bele tuir ezame ne'ebé hato'o ba Konsellu Imprensa;
- vi) Kópia husi rezultadu ezame tama nian wainhira iha.

3 – Inskrisaun iha Ezame tenki husu ba entidade organizadora to'o Ioron 60 molok prova.

4 - Entidade organizadora komunika ba Konsellu Imprensa, to'o Ioron 30 molok Ioron prova, totál ema sira rejistru ona ba ezame no nível husi ida-idak nia ezame.

Proposta

Artigu 3
Dispensa ezame ba jornalista sira husi rai liur

1 – Jornalista sira husi rai liur ne'ebé iha kartaun profisionál rai seluk nian ne'ebé hakarak atu hetan Kartaun jornalista iha Timor-Leste, sira bele la tuir estájiu no ezame finál wainhira deit rai ne'ebé fó kartaun profisionál ba sira fó resiprosidade tratamento.

2 – Konsidera katak iha resiprosidade wainhira deit, entre Konsellu Imprensa no organizasaun profisionál ekivalente husi estadu terseiru, iha akordu ka deklarasaun eskrita husi estadu ida ne'e hodi husik inskrisaun jornalista Timor oan sira iha organizasaun profisionál ne'ebá ho dispensa husi halao ezame ka estájiu.

3 – Laiha prejuízu husi elementu sira seluk ne'ebé karik sei hare'e hanesan presiza, rekerimentu atu la presiza tuir estájiu no ezame eskrita diriji ba Prezidente Konsellu Imprensa no akompaña ho dokumentu sira tuir mai ne'e:

- a) Rekerimentu atu la presiza tuir estájiu no ezame ho asinatura Rekerente nian tuir artigu ida ne'e;
- b) Kópia kartaun jornalista husi Rekerente ne'ebé legaliza ona;

- c) Kópia pasaporte no título rezidénsia iha Timor-Leste ne'ebé legaliza ona;
- d) Prova husi inskrisaun iha Timor-Leste ba efeitu fiskál sira;
- e) Deklarasaun, ho kompromisu de onra, ho data no asinatura husi Rekerente, katak nia iha situasaun ne'ebé laiha impedimentu tuir termu sira husi artigu 17 husi Lei n.º 5/2014 husi loron 19 fulan Novemburu.

4 – Dokumentu sira hotu tenki, karik la harekek iha lian ofisiál Timor-Leste nian ida, akompaña ho nia tradusaun.

Artigu 4

Kazu seluk ne'ebé la presiza tuir ezame

1 – Rekoñese ona hanesan jornalistas ho direitu tomak, no ho nune'e dispensa husi estájiu, ezame aptidaun ba tama no ezame aptidaun intermédu, profisionál sira hotu husi journalismu ne'ebé hato'o pedidu ba Konsellu Imprensa, liu husi Rekerimento ne'ebé asina ona husi Rekerente no diriji ba Prezidente Konsellu Imprensa, liu husi ne'ebé sira hatudu, liu husi dalan sira ne'ebé Konsellu Imprensa bele simu, katak sira halao atividade jornalista profisionál liu ona tinan lima kompletu molok aprovasaun husi Regulamentu ida ne'e. Konsidera, hanesan, dalan sira ne'ebé bele simu mak:

- a) Aprezentasaun pesa jornalística sira ne'ebé asina ona husi Rekerente;
- b) Aprezentasaun deklarasaun husi meiu komunikasaun sosiál atu hatudu katak Rekerente halao ona atividade jornalista nian ba nia liu ona tinan lima;

2 –Rekerente sira ne'ebé mak hatudu katak halao atividade profisionál liu ona tinan rua maibé la to'o tinan lima, sira sei bele la tuir estájiu no ezame aptidaun tama nian.

3 –Konsellu Imprensa mak tenki deside bele la tuir ezame eskritu ba jornalista sira ne'ebé mak halo tuir rekizitu sira husi artigu ida ne'e ho

nune'e bele delega ba kuadru pesoál knaar atu halao no halo avaliasaun dahuluk husi pedidu sira ne'ebé presiza atu fó desizaun.

4 – Husu bele la tuir ezame tenki hato'o iha prazu loran atus ida walu nulu tuir hafoin Regulamentu ida ne'e tama iha vigór.

5 – Rekerente sira hotu ne'ebé hato'o pedidu ba dispensa husi ezame iha prazu loran atus ida walu nulu hafoin Regulamentu ida ne'e tama iha vigór bele, to'o iha desizaun husi Konsellu Imprensa, kontinua halao sira nia knaar.

Artigu 5

Hahalok la autoriza pedidu atu bele la tuir ezame aptidaun nian

1 – Se karik husi análise dokumentasaun sira ne'ebé hato'o ka husi esklaresimentu sira ne'ebé fó, hare'e hanesan la natón atu dispensa tuir kondisaun sira ne'ebé defini ona iha artigu rua iha leten, pedidu ne'e sei la autoriza no sei sai obrigatoría atu halao ezame aptidaun nian, ho nune'e impede netik Rekerente husi halao nia knaar sira.

2 – Desizaun ne'e tenki iha fundamentu.

Artigu 6

Jornalista sira ho méritu ne'ebé rekoñese ona

1 – Ba jornalista sira ka personalidade sira seluk ne'ebé iha kurríkulu profisionál ida ne'ebé nia naran boot iha rai laran tomak ka fó ona servisu sira ne'ebé relevante ba profisaun jornalística no ba nasaun, Konsellu Imprensa bele rekoñese nia título “jornalista sira ne'ebé naran boot tamba servisu diak”.

2 – Proposta ba rekoñesimentu jornalista sira ne'ebé naran boot tamba servisu diak hato'o ba Konsellu Imprensa husi naran nia membru ida no asina husi, pelu menus, membru nain rua Konsellu nian.

3 - Proposta sira rekoñesimentu nian akompañá ho *curriculum vitae* detalladu no fundamentasaun loloos kona-ba méritu husi jornalista ka personalidade ne'ebé atu fó título ba no oinsa nia prienxe rekizitu sira husi número 1 iha artigu ida ne'e.

4 – Rekoñesimentu husi título “jornalista sira ne’ebé naran boot tamba servisu diak” eziji aprovasaun ho lian ida deit (uánime) husi membru sira Konsellu Imprensa nian.

5 – Iha tinan ida-idak, só bele rekoñese deit título rua husi Jornalista sira ne’ebé naran boot tamba servisu diak.

Artigu 7

Entidade Organizadora sira

1 – Ho Desizaun husi Konsellu Imprensa, fó sertifikasaun ba Entidade Organizadora sira, no nia lista fó sai iha sítiu internet Konsellu Imprensa nian.

2 – Sertifikasaun ba Entidade Organizadora sira halao husi painél ida ho kuidadu, kompostu husi membru ida to'o tolu, obrigatoriamente jornalista examinadór sira ka personalidade sira ho naran boot tamba servisu diak, ho preferénsia iha esperiénsia hanorin nian iha ensinu superiör matéria sira ne’ebé tau iha programa ezame nian, ne’ebé hatudu husi Konsellu Imprensa.

3 – Konsellu Imprensa bele mós hili hanesan Entidade Organizadora sira, sira ne’ebé kandidata ba ida ne’e no hanesan:

- a) Entidade sira ne’ebé aprova ona husi Ministériu Edukasaun ne’ebé fó lisensiatura journalismu, komunikasaun sosiál, ka lisensiatura ho nível hanesan ka
- b) Sentru formasaun iha komunikasaun sosiál ne’ebé fó formasaun ekivalente, ka
- c) Organizasaun Jornalista sira ne’ebé rejistru ho loos tuir termu sira husi sira nia Regulamentu rasik, ka
- d) Órgaun Komunikasaun Sosiál ne’ebé rejistru ho loos tuir termu sira husi sira nia Regulamentu rasik.

4 – Taka, ba entidade sira ne’ebé temi iha alínea a) no b) husi número ida uluk atu fó ezame ba alunu sira ne’ebé hetan lisensiatura husi sira.

5 – Entidade organizadora ida-idak, nomeia molok halao ezame, júri ida ba ezame, kompostu husi membru ida to'o tolu, obrigatoriamente

kompostu husi jornalista examinadór sira, ne'ebé sei komunika ba Konsellu Imprensa.

6 – Júri husi ezame funsiona ho prezensa husi membru sira hotu, ho nune'e nia desizaun sira foti ho maioria simples.

7 – Karik iha empate iha votasaun, presidente júri ezame nian iha votu kualidade nian.

Artigu 8

Periodisidade no markasaun ezame sira aptidaun nian

1 – Markasaun loron ba halao ezame aptidaun aprova liu husi desizaun Konsellu Imprensa, hafoin rona tiha Entidade Organizadora sira.

2 – Konsellu Imprensa sei halo markasaun ezame sira ho periodisidade mínima ba ezame ida iha tinan sivil ida.

3 – Kompete ba Konsellu Imprensa:

- a) Defini kritériu sira avaliasaun nian ne'ebé atu aplika iha ezame;
- b) Aprova lista pergunta sira ba ezame no asegura konfidencialidade absoluta;
- c) Supervisiona buat hotu ne'ebé relasiona ho lalaok ezame sira.

Artigu 9

Jornalista Examinadór sira

1 – Aprova husi Konsellu Imprensa hanesan Jornalista Ezaminadór sira ne'ebé:

- a) Iha kompeténsia profisionál Jornalista nian;
- b) Diriji ona estájiu husi, mínimu, jornalista nain rua ne'ebé ikus mai liu hanesan Jornalista;
- c) Liu ona ezame ba finalidde atu sai Jornalista Ezaminadór.

2 – Aplika ba jornalista ezaminadór sira rejime inkompatiblidade jornalista sira nian ne'ebé temi nanis ona iha artigu 17 husi Lei n.º 5/2014 husi loron 19 fulan Novembru.

3 – To'o iha Jornalista Ezaminadór sira ne'ebé tuir rekizitu sira Regulamentu ida ne'e nian, Konsellu Imprensa sei nomeia Jornalista

sira ho númeru natón atu halao provizoriamente funsaun Jornalista Ezaminadór sira nian.

Artigu 10

Fraude

1 – Iha fraude wainhira:

- a) Se karik uza ka tenta uza, ho forma naran deit, iha teste ida ka ezame, informasaun ka ekipamentu ne'ebé la autoriza;
- b) Se karik fó ka simu kolaborasaun iha halao ezame.

2 – Wainhira iha prova katak iha fraude Rekerente sira envolve diretamente ho momoos sei la liu.

3 – Se karik iha dúvida Júri bele hakotu halo prova eskrita foun ida ne'ebé nia rezultadu sei vale liu kompara ho ida fali ne'ebé hetan uluk.

Proposta

Artigu 11
Interpretasaun

Konsellu Imprensa mak tenki halo interpretasaun finál ba Regulamentu ida ne'e, bele mós nia husu ba nia departamentu sira atu elabora husi norma komplementár lubun ida ba aspetu sira ne'ebé ikus mai hare'e katak presiza.

Artigu 12

Tama iha Vigor

Regulamentu ida ne'e tama iha vigor loran 30 (tolunulu) hafoin nia publikasaun.